

松陽賴氏族譜

姬字號

民國三十年重修

第拾本

專文引 壽文 傳

文 詩詞 小傳

行述 節孝引

節孝傳

松陽賴氏族譜

傳文引

蓋聞孔子之作春秋也善雖微而必錄無非存振興善類鼓舞后人至意故一字榮于華衮史誌特操筆削之權異行付之長篇譜牒亦寓揄揚之道吾族傳世既久或以忠義流芳節孝勵行或以博物著聞清標純俗此中祖孫濟美象賢繩武者當不乏人宗譜所關詎可有美而弗彰乎故必考其生平巔末以資表揚則凡慈孝友恭仰前徽而益勵富貴壽考叨先德以彌昌貞妻孝子獲巨筆之

揄揚潛德幽光荷名公之闡發編諸譜牒用垂族
姓之光寶以縑緗永作孫曾之則

亨峯公婆羅老孺人八十壽序

第一次修

恭祝

大慈儀賴府尊世伯母羅老孺人八旬榮壽

蓋聞皓月輪升望朱曦而朗耀紫瓔筵啟愛稀壽
以延年瑤階盡琪草琮芝綉幕奏雲璈仙琯式母
儀於今日美播陶川溯閩範於平生徽增彤管寅
惟世母

羅孺人系出名門少嫻內則柔嘉允蹈婉婉垂型洵
美展如之人無愆任只之德咏桃賡李家室咸宜

捧沃薦芼舅姑善事既克奉乎晨昏復無遺於夫
子鳴雞警旦弋鴈興歌井臼常操瑟琴在御

世伯玉山老先生芸窗誦讀惟資內助之賢雪案攻
勤實賴相夫之力文壇鏖戰屢試前茅運數終奇
久遺下第是故念淡功名竟以侑生遯跡 世伯
母克遵婦道相敬如賓風欲比美梁孟賢不讓乎
陶鍾篤勤儉以襄家政咏富有於倉箱崇屋宇以
篤丕基美奐輪於輦鳥雲間彩鳳欣獻瑞于天池
掌上明珠更呈奇于家閨得一夔而已足遷三舍

而何辭况復瑤階草秀桐子孫多馥_匕叢蘭香_匕
滿室森_匕庭竹翠可凌雲洵哉福草舍嘉允矣靈
花卜勝際茲一陽來復萬物初生設帨佳辰八旬
令旦仰金萱於四葉古色長春耀寶婺之一星韶
光初永爰陳醵語聊同糠粃之揚敬佈芹忱用效
崗陵之祝

道光十五年歲序乙未葭月之吉旦

文林郎鄉進士署甯洋縣儒學訓導

候官夫世愚弟 陳景蕃頓首拜祝

建三公七十壽序 第一次修

恭祝

大貢元 建翁尊姻叔老先生大人七秩榮壽

從來善米既種於情田靈椿自綿於心地大德得
壽美意延年振古如斯於今爲烈恭唯

建翁尊嫜叔大人松陽巨族陶里名家持躬敬慎處
已端莊秉正直之姿本剛方之質恬靜寡慾守正
不阿懃直敢言嫉邪無隱視手足敦棠棣之雅撫
子姪標竹林之風仗義揮金未曾縮手急公好義

莫不經心修堡寨以固屏藩架橋梁深資利濟募
兵運餉曾揮烏合之災排難釋紛屢解犬牙之搆
築道途則過客口碑戴德修祠宇則祖靈龕座頻
安種乚貽謀僕更難數多乚益善指屈難勝尤足
羨者服賈牽車弱冠不辭辛苦耕田鑿井英年莫
避勤勞家道日豐貲財歲積咏富有於倉箱美奐
輪於輦鳥且也義方是訓詩禮垂型震索著長者
之名仲嗣列成均之選叔季業儒伫看神龍變化
孫曾林立預期祥鳳飛翔况復生席豐饒居安淡

泊無狗馬聲色之好甘菽粟布帛之風宜夫聲蜚
貢樹望重金門際此花朝欣逢稀古箕疇百二卜
來日之方長海屋三千兆大年之永享叨倚葭之
末契松齡瞻不老之春忝頌橘之新詞瓦鼓奏長
生之祝


時

同治二年歲序癸亥花月之吉

署興化府仙遊縣儒學訓導

姍教弟果亭

馮連標頓首拜祝



奇泰公婆邱老孺人八旬壽序

第一次修

恭祝

大鸞封 賴府尊世伯母邱老孺人八秩榮壽

蓋聞紫霄金闕仙人居延壽之宮碧落瑤京神女
處長生之館更有桃榮金母酒釀麻姑花筵開乎
閨苑欣飲絳霞鳳輦乘於嶰山飽餐甜雪究之十
二層城皆成縹緲三千蓬島總屬虛無豈若堂前
歡皓鬢常安問寢之幃階下舞斑衣並進稱觥之
案如我

邱孺人者哉孺人系出名門夙嫻內則克諧妯娌
事舅姑迎鴈輦於青年鼓瑟琴而靜好警雞鳴於
昧旦咏家室以咸宜勤婦道則儉守荆釵相夫子
則名場里巷情深伉儷義切綢繆凡茲古道之高
崇足見深閨之內助況復桐堪棲鳳堂前誇三葉
之光草盡宜男膝下羨二難之慶雍宮辟水長令
器卓有高才墨稼書田震文孫初徵火候凡茲裕
澤之深悉是孺人之廣種貽謀之遠孰非令德之
昭垂故福田不期廣而福自臻壽域不期開而壽

自永者也今者候方屆夫四陰籌適添夫八十雲
淨玉輪光增寶婺之色風飄桂苑香浮壽酒之杯
仰鶴髮兮千年卜松齡兮百歲戲綵者堂聯三代
慶祝者頌晉三多固宜操毫紀實端牘揀眞而非
無當生平鋪張虛語已也余鹿鹿庸才魚魚下學
資愧梗楠敢上長生之祝質同螭螳願賡難老之
章伏願陽回九十用陳介壽之樽從茲算紀八千
競獻延齡之果

豈

光緒十四年歲序戊子秋桂月吉旦

癸酉科拔貢

欽點孝廉方正卽用知縣

夫世愚姪

羅用光頓首拜祝

占鴻公六旬壽序 第一次修

恭祝

大貢元 鴻翁賴老先生大人六秩榮壽

人生如李青蓮之才華石季倫之富厚郭汾陽之
威重讀書飲酒花晨月夕遨遊康阜以樂天年夫
復何恨余曰信然然其所以不朽者惟名與壽名
不徒名壽不徒壽必有精神以立根本有廉恥以
幹事業有補天地扶名教以完分量然後可以名
世可以壽世歲戊辰予忝蒞斯邑下車伊始適有